

MINIT CERAIAN

PKKP,

MEMOHON KELULUSAN BAJET BAGI PENGANJURAN MAJLIS PELANCARAN SEMPENA SAMBUTAN BULAN INTEGRITI MITI DAN AGENSI

Dengan hormatnya saya merujuk kepada perkara di atas.

1. TUJUAN

- 1.1 Minit ceraian ini bertujuan untuk mendapatkan pertimbangan dan kelulusan peruntukan bagi **pelaksanaan penganjuran Majlis Pelancaran Sempena Sambutan Bulan Integriti MITI dan Agensi** di Dewan Perdana, Kementerian Pelaburan, Perdagangan dan Industri (MITI) ada 12 November 2024 dengan Anggaran Kos sebanyak **RM18,400.00**

2. LATAR BELAKANG

- 2.1 Bulan November tahun 2024 merupakan Bulan Integriti Nasional yang akan disambut dengan tema Teguh Integriti, Kukuh Pertiwi di semua Kementerian, agensi dan semua lapisan masyarakat di negara ini. Sambutan Bulan Integriti Nasional yang akan berlangsung sepanjang bulan November ini menonjolkan komitmen dan aspirasi Kerajaan dalam membudaya dan memperkasakan integriti dalam kalangan kakitangan awam khususnya di MITI dan agensi. Semasa Mesyuarat Jawatankuasa Fungsi Pematuhan Sistem Pengurusan Antirasuah (JFPSPAR) MITI Bilangan 3 Tahun 2024 yang diadakan pada 22 Oktober 2024 dan dipengerusikan oleh Puan Nor Kamisah Che Daud, Pengarah Kanan Khidmat Pengurusan MITI telah dicadangkan supaya sambutan dan

pelancaran Bulan Integriti di peringkat MITI dan agensi wajar dilaksanakan bagi memupuk kesedaran mengenai kepentingan pengamalan integriti dan tatakelola selain dapat memperkukuhkan nilai kejujuran, amanah, dan etika yang baik dalam kehidupan.

2.2 Susulan daripada Mesyuarat JFPSPAR tersebut, Unit Integriti MITI mengambil inisiatif mengadakan perbincangan bersama dengan Unit Integriti di setiap agensi di bawah MITI bagi membincangkan mengenai pelaksanaan Majlis Pelancaran Sempena Sambutan Bulan Integriti MITI dan Agensi pada 25 Oktober 2024 dengan dihadiri oleh semua Unit Integriti agensi. Antara objektif pelaksanaan Majlis Pelancaran Sempena Sambutan Bulan Integriti MITI dan Agensi bagi tahun ini antaranya:

- (i) Memanifestasi usaha menzahirkan komitmen MITI dan agensi dibawahnya dalam membudayakan dan menjadikan integriti sebagai asas utama membentuk dasar pelaburan, perdagangan dan industri pertiwi;
- (ii) Memupuk nilai-nilai integriti dalam diri kakitangan MITI dan agensi bagi mengekang defisit integriti dalam kalangan penjawat awam dan masyarakat; dan
- (iii) *memberi kesedaran mengenai kepentingan pengamalan integriti dan tatakelola baik dalam kehidupan seharian melalui pendedahan kepada undang-undang, peraturan dan penguatkuasaan.*

2.3 Semasa mesyuarat pelaksanaan Majlis Pelancaran Sempena Sambutan Bulan Integriti MITI dan Agensi, ahli mesyuarat yang terdiri daripada Unit Integriti di MITI dan semua agensi bersetuju untuk terlibat dalam penganjuran program dan jawatankuasa kerja telahpun ditubuhkan bagi melancarkan perjalanan program tersebut. Unit Integriti MITI selaku ketua urus setia akan bertanggungjawab dalam penyediaan peruntukan makan minum bagi majlis pelancaran dan penyediaan bahan iklan dan

promosi bulan integriti seperti bunting, flyers dan backdrop bagi bulan integriti MITI dan agensi.

3. ASAS-ASAS PERTIMBANGAN

3.1 Program Majlis Pelancaran Sempena Sambutan Bulan Integriti MITI dan Agensi mensasarkan seramai empat ratus (700) orang warga MITI (termasuk MITI Negeri) dan agensi dibawahnya. Ini termasuk pengurusan tertinggi MITI dan *Head of Agency* semasa sesi pelancaran bulan integriti diadakan. *Booth* pameran dan gerai jualan akan disediakan dengan kerjasama agensi dibawah MITI, PUSPANITA MITI, Bahagian Pengurusan Ilmu dan Maklumat Digital (PIMD) MITI, agensi-agensi penguatkuasaan seperti Suruhanjaya Pencegahan Rasuah (SPRM), Jabatan Pengangkutan Jalan (JPJ), Polis Diraja Malaysia (PDRM) dan lain-lain jabatan. Program ini juga adalah bagi membolehkan keterlibatan kakitangan MITI dan agensi dalam pelbagai program yang telah dirancang sepanjang majlis pelancaran dan sambutan yang akan diadakan di Dewan Perdana MITI. Pada masa sama ianya dapat memberi kesedaran mengenai nilai integriti seterusnya mencapai matlamat pengumuman Bulan Integriti Kebangsaan Tahun 2024 mengenai penglibatan masyarakat amnya dan penjawat awam khususnya dalam membudayakan integriti dan memupuk nilai murni dalam amalan hidup seharian. Senarai peserta di **Lampiran A**.

3.3 Majlis Pelancaran Bulan Integriti MITI dan Agensi 2024 akan dijangka dirasmikan oleh YB Senator Tengku Datuk Seri Utama Zafrul Tengku Abdul Aziz, Menteri MITI yang akan dihadiri bersama oleh pengurusan tertinggi MITI, semua ketua jabatan, ketua-ketua agensi dibawah MITI di Dewan Perdana MITI. Antara lain semasa sesi perasmian tersebut turut diadakan penyampaian sijil penghargaan kepada *Risk Officer* (RO) MITI dan juruadit UI selain pemberian hadiah kepada Ikon/ Duta Integriti MITI

dan agensi dan pemenang pertandingan kuiz/ kahoot dan sebagainya. Sesi perkongsian daripada pakar motivasi turut diselitkan selama dua (2) jam sebagai pengisian sesi perasmian tersebut. Tentatif adalah seperti di **Lampiran B**.

4. DASAR SEMASA

- 4.1 Pemilhan lokasi Dewan Perdana, MITI bagi penganjuran Majlis Pelancaran Sempena Sambutan Bulan Integriti MITI dan Agensi adalah bagi memuatkan peserta yang terdiri dalam kalangan kakitangan MITI, MITI negeri dan agensi-gensi di bawah MITI selain program ini akan diadakan selama satu (1) hari melibatkan majlis pelancaran, ceramah dan gerai pameran serta gerai jualan.
- 4.2 Manakala penyediaan makan minum, percetakan dan kemudahan lain adalah mengikut ketetapan perolehan Kerajaan seperti berikut:
 - a. WP 1.4 Kadar dan Syarat Tuntutan Elaun, Kemudahan dan Bayaran Kepada Pegawai Perkhidmatan Awam Kerana Menjalankan Tugas Rasmi (Tidak Termasuk Tentera dan Polis); dan
 - b. PK 7.1 Perolehan Bagi Penganjuran Majlis/ Acara Rasmi Kerajaan dan Jamuan Keraian Rasmi Kerajaan.

6. SYOR

- 6.1 Unit Integriti, Kementerian Pelaburan, Perdagangan dan Industri mengesyorkan kelulusan terhadap perkara berikut:
 - a) Pelaksanaan **Program Perasmian dan Sambutan Bulan Integriti MITI Dan Agensi Bagi Tahun 2024** ini pada **12 November 2024** di Dewan Perdana, MITI; dan

- b) dengan menggunakan peruntukan sedia ada bahagian berjumlah
RM18,400.00

Dengan hormatnya permohonan ini dikemukakan untuk pertimbangan dan kelulusan PKKP selanjutnya.

Sekian, terima kasih.

(NORSURAYA BINTI PINJAMAN)

Ketua Penolong Pengarah

Unit Integriti

Fail Rujukan : MITI.100-25/4/1 Jld. 4 (26)

Tarikh : Oktober 2024